

歷代地理志韻編今釋

冊一

歷代地理志韻編今釋

四庫全書

自漢書有地理志條列郡縣因革建置歷代從之於是輿地之學遂爲專家唐宋至今纂述益廣然其疆域名號合并析易或閒廢闕晉魏後復有僞置鎮堡羈縻諸名紛紜參錯代有罷立苟非由今日以推諸古昔明其地之遠近名之同異人士且南朔之不辨奚以達其形勢利病之得失緩急哉武進李先生申耆學術閎濶慨學者於輿地之學多昧古今而諸家之書或過繁蹟而失統紀嘗縱橫爲圖自沙漠迄島嶼以水道緯其經界以極度準其里差率明簡有法復取諸史郡縣分隸韻書以今爲本推諸前代或地名皆同或同地異名或同名異地與今昔增損有無殊異皆列其疆域廣袤所在至其字爲韻書所無者則以古音讀與今

方言次於其部不出戶庭而時代之遷嬗裔徼之
荒遼源流具在其絕舛馳何如哉夫古之儒者其
於問學多闢險阻而務以其簡易者導人記所云
成物也則以極天下之嘖者是矣道光十七年歲
次彊圉作噩四月戊申朔越七日寶山毛嶽生序

禹貢州域以山川相經緯雖經遷變終古可識別也史志郡縣不復能附麗於山川又代有沿革離合分割名實乖盭益紛紜而不可理昔在孟堅有丹陽楚都之誤山經水注沿廬江彭澤西之訛京兆南陵師古以爲甯國九江當塗章華謂在姑孰凡茲迷謬難可縷陳此皆學貫垓埏胸羅括地尙復爾爾況其下焉者乎夫輿地之學爲讀史第一要義治化興替利病之由形勢重輕兵家勝負之迹胥於是觀之顧史冊雜陳迷離隱見在在鉤稽不勝眩瞀武進李申耆大令邃於史學尤究心輿地沿革爰取正史之有地志者凡十有四部析其郡縣之名以韻隸之條其同異一釋以

昭代輿地所在萃及門之英閱十餘年而後成可

謂任其勞者矣每閱乙部於郡縣疑名輒用檢視
應手可得覺向者肝膽楚越忽如盧鑿之遇長桑
飲以上池水盡見癥結大令所以嘉惠來學者可
謂篤矣其書舊用活子排印懷甯鄧少白氏始爲
鋟版皆流布未廣爰校讎一通重付剞劂冀永其
傳凡有志於經濟實用通達今古者不可不家置
一編也惟其書以史志爲主史記八書無地輿故
所載古國邑秦郡縣皆不錄而斷自漢始三國及
梁陳北齊周諸史無志故梓潼朱提置於蜀武昌
建鄴創於吳而統稱晉郡江陰崑山梁縣也成安
固始北齊縣熊耳靈泉周縣也而統稱隋縣數代
之規二志爲總匯而晉志特爲疏略如南廣爲蜀
郡沿於宋齊志獨無之雍州之始平廣平之臨水

皆不言魏立其三國增置晉革其名若雲陽營陽
吳昌廣魏之屬益無所徵矣又其甚者晉代之制
如齊國有般陽汶山之興樂本名白馬見太康三
年地記晉熙之懷甯新冶豫章之豫甯見沈約宋
志隴西之蘭池見王隱晉書地道記而志皆無徵
且一書之中傳及其地志乃佚其名如陶侃傳爲
樅陽令志無樅陽縣侃爲荊州領西陽等郡陳頽
庾亮庾翼諸傳皆云西陽太守而志無有又况散
見於他書爲晉志所無者如漢沙羨音縣地晉置
沌陽縣渫陽縣晉太康中置越巂靈關道縣晉改
護龍見水經注陰平有平武梓潼之涪城僑置西
充國益昌二縣見元和郡縣志不勝屈指頗有出
於畢秋帆尙書新補正之外者其在他史遺佚亦

往往而有如漢志廬江郡自注金蘭西北有東陵鄉水經禹貢山水澤地東陵地在廬江金蘭縣西北水經沔水篇又東過牛渚縣南注牛渚在姑孰烏江兩縣界中而漢晉宋齊諸志無金蘭及牛渚姑孰縣名又金女大文桃班陽口歷口之類皆不見於諸志元巴延潛兵入漢屠沙洋陷新郢宋志乃無沙洋新郢也抑是編所謂皆得其實地者亦不能無疑焉據水經注漢西陵在黃石磯今黃州府東南百里也今釋云在黃州西北漢南安當卽今四川樂山縣治今釋云在夾江縣西北二十安樂水源北逕安樂縣界又逕符縣下北入江今釋符及安樂俱云在瀘州合江縣西六舊唐書石首舊治在石首山下顯慶初移治陽岐山下據酈氏

石首山乃調絃口東南之東山邑志云縣舊址在
調絃口往東山路是也今自晉及明統釋云今石
首縣治凡若此類每欲援引補正別爲一編附諸
簡末軍興以來倥傯暇聊爲舉例於此用俟同
志搜羅補綴以集厥成又不特大令所云歷史地
名及古地名有厚望於庚續也已江陰六氏舊有
歷代沿革圖蓋編是書時所作而未及合刊者兵
燹後益少傳本因屬友人物色得之客又有以紀
元編請者亦大令所排纂皆讀史者之紺珠也遂
彙刻之云爾

同治十年辛未十月合肥李鴻章

凡例

歷代地理建置沿革變亂紛總名實訛淆或同地而異名或同名而異地南北相乖東西易向試閱史書方隅莫辨卽繙地志心目爲惛故編錄古來史書中地志所載郡縣之名以韻次之分別時代條其同異鉤稽今代所在之處以著其實閱史者易於尋檢焉

二十三史有地志者漢書續漢書晉書宋書南齊書北魏書隋書新唐書新五代史宋史遼史金史元史明史凡十四史唐宋金元明志每詳鎮堡羈縻州郡長官司之類皆有實地可據故并列之南北朝僑置州郡多無實地而僑置之處多有可考故卽其附著在所約略注釋

地名聲讀多沿方音與通行聲讀不同漢書有注
說可據則依注分韻晉宋以下別無注證則以通
行聲讀編之字之古今異體者悉依各史原文編
入仍歸一韻如黝黠孤觚谿驩懽卷捲慳慳
忭撻鄴鄴鄴皋畢陽易强彊成城鄺鄺伶令適迺
潛潛潛拒指峙峙僞隔宛苑苑嶺嶺漏漏孰熟勺
芍洛維莫鄭荜荜額額皆是若一字異音則兩韻
分收如虹分東送共分冬宋氏分支庚紙蕃番分
支元羨分支霰次分支寘慮分魚御吾分虞麻皋
分虞豪單分寒銑潘觀分寒翰鄴分寒歌燕分先
霰卷分先軫鄺分歌翰華分麻禡靡分麻紙藏相
浪分陽漾令分青敬承乘分蒸徑與分語御蓋分
泰合皆是字有今韻所無者各依偏旁音紐附入

如羨入支歟入尤卽入紙若入陌皆是
地名下小注以時代前後爲次郡詳其所屬州部
縣詳其所屬州郡同地同名第以代中隔以空圈
地異而同名者次之隔以黑子

道光二年北洛始至暨陽六生賡九問曰古今地
名疆域膠轕檢書猥繁讀史者何道以理之予示
以皇朝輿地圖令以古地名識其上爲別以上
古禹貢三代春秋戰國爲經始年餘乃成繼檢各
史地志別爲錄副而編以歸韻編寫凡三四年乃
旣繼檢皇輿表及一統志表詳其沿革著之
於圖皆得其實地則又七八年繼會前代郡縣注
之每韻下又三四年而後成蓋六生德只之力十
七八焉初時編寫者徐生步莊王生望之夏生行

之陸生子幹張生子立吳生子清曹生豫章劉生
秉彝成書繕錄者則沈生鑑虛夏生厚栽蔣生樊
圃劉生子千而隨時校讎商榷者則宋生冕之六
生賡九周生唐士鄭生守庭徐生康甫黃生仲孫
也自始至訖事閱十有六年矣雖非日日致力於
此而暇日之力則無不致焉可謂勞矣書徒薈粹
載籍檢稽同異無義理可尋求成之甚難散失甚
易又卷帙差多寫之頗難校之尤難爰以活字集
印數百本使稍稍流布誠以廢日力於此不欲成
而速毀也編長纂襍誠不能無舛謬漏奪惟淹雅
君子加之糾正是有厚望焉充集字之役者薛生
安國蘇生汝亮族子仲武而德只實董之追思施
手之初若望之行之秉彝已不幸短命不見是書

之成而諸生各少者已壯壯者漸老所成幾何歲月卒卒如此使兆洛獨尸其名不亦慙乎賡九名承如德只名嚴步莊名紹堂望之名渭行之名時子幹名楨子立名志純子清名廷璨豫章名秉純秉彝名純祚鑑虛名成受厚栽名培樊圃名壽昌子千名道英冕之名景昌唐士名賡良守庭名經康甫名思錯仲孫名志述安國名光煜汝亮名旦然仲武名虎臣予尙欲爲歷代史地名長編凡史中地名見於因事而非郡縣者悉編出之亦以韻類之藉可并入上古禹貢三代春秋戰國諸地名若成此則地名皆有歸宿讀史者無遺憾矣而此事尤難以檢閱者必心有識別手能纂錄始可任此亦有三四生徒欣然受命者而無財者牽於課

一珍做宋版印
蒙以餬口不能分力有財者牽於科舉以求名不
肯分心三五年來僅康甫成晉書一種餘多爲之
而不竟自度年齒已莫恐不能待也聊書之冀有
同志者繼賡焉

道光十有七年六月朔集字竟因識李兆洛

歷代地理志韻編今釋目錄

凡歷代所無之地而本朝新設者并入下加

本朝字別之

卷一

上平一東

東同銅僮童中忠終戎

崇嵩弓宮融雄穹風豐

充隆空公功攻蒙籠洪

紅鴻虹叢翁通蓬潼龐

力中切

髻莫紅切

二冬

農宗鍾鐘龍松衝容蓉

庸封從逢峯鋒烽恭琮

溶共邛龔賓邕

三江

江邦降瀧雙

卷二

四支

支枝移爲陂宜儀皮兒

離施知池夷師眉之芝

時棋期祠基絲思滋隨

嵴維麋彌慈遺脂卑岐

斯熙羈彝本朝資推縻祇

夔伊著箕坻驪嬌尼纍

而祁綏羲騏毗眊其睢

蠡蓄邳淇淄彌氏蘄棹